

# Mara Bainieer eo



## Jān Jessica Larsen

(Pedped ion juon bwebwenato emool)

Oktoba 2018, Phnom Penh, Cambodia

Mara eaar batini lukko eo an im kalimjōk kūlaaj Meo. Āinwōt ekōjak nān ekkōṅak nuknuk in jar ilo Jādede, bōtaab menin eaar juon Jādede eo ejenōlok. Eaar iien kweilōk eo eḷap!

“Kwoj ke emōṅōṅō kōn mṅweīnan eo an kōrā ro?” Mak (Jinen) eaar kajjitōk. Eaar mōkaj, kōkōmānṅōn an kuum koḷan bōran Mara. “Ikōṅaan bwe kwon kajjiōn roṅjake joṅan wōt eo komaroṅ.”

“Aaet! Ij kōjatdikdik rej kōnono kōn bwebwenato ko an bainieer ro!” Emṅman tata ippān Mara bwebwenato ko.

“Bōlen renaaj,” Mak eaar ba. “Kwojelā ke jemaṅ ej juon bainieer?”

Mara eaar tarpok. Jemen eaar jab bwilbwil diaka (handcart).

“Ekōjkan an juon bainieer?” liin eaar kajjitōk.

Mak eaar emajidjid nān wintōn eo, ḷok nān reba eo. “Eaar eoṅad ijo ke eaar ion mījenede ro. Eaar eo eo kein kajuon ilo baamḷe eo an nān kar peptaij,” Mak eaar ba. “Ekōmṅman bwe en juon bainieer! Kiiō jen etal im kappukōt jībūm.”

Yiay (Būbū) eaar kōttar er ilo ruum eo imāan. Baamḷe

eo an Mara im ro jībūn im jimāan aolep raar mour ippān doon. Yiay eaar jipaṅ lale Mara ālkin jikuul ke ro jinen im jemen raar jerbal. Kiiō Yiay eaar jutak turin moped eo, jikuutōr kileplep eo me eaar bōkto bōktak er ipeḷaakin jikin kweilōk eo.

“Kabuṅ in eaar pād ilo Cambodia iumṅwin wōt 25 iiō ko,” Mak eaar jiroṅ Mara ke eaar kōpeḷḷok kōjām eo im bwili moped eo nān lowaan iaḷ eo. “Kōn menin jej aolep bainieer ro. Jekdoṅon kwe!”

“Ekōjkan aō juon bainieer?” Mara eaar ḷōmṅak ke eaar iuweḷok ion moped eo. Mar eaar kattōre moped eo, ippān Yiay ilo itulik im Mara ilo ioḷapḷap. Mara eaar lukkuun kōdāpdep ke raar ettōrḷok ilo iaḷ eo eimāajaj.

Ke raar eḷḷāḷok jān juon mōn idaak meṅeṅ (café), nemān tii itok ioer. Enaṅin aolep ijin raar idaak tii. Bōtaab Mara eaar jab, Liin eaar ḷoor Naan in Māletlet. Mara eaar ettōn. Ej juon wāween liin eaar juon painieer!

Ke moped eo eaar bōl ilo juon kona, Mara eaar lo juon *wat*, juon tampeḷ an Buddha. Bōroṅ eo ekkaṅ ebū-rōrō eaar wallōṅḷok ion mōko jet. Monk ro kōn bōraer emōj aer rejaiki im libooror ko roran kar jijet ekkatak ilo meḷan eo.

Mara eaar jeḷā bwe elōṅ wōt armej ro ilo Cambodia raar Buddhist. Rejjab tōmak ilo Jisōs Kraist. Bōtaab Mara eaar. “Ej bar juon wāween ij juon bainieer,” Mara eaar ḷōmṅak. Im rainin liin ej maroṅ roṅjake rikanaan eo!

Ke moped eo eaar jeerḷok nān jikin baak eo ilo mōn jar eo, Mara eaar lo elōṅ kōrā ro rej itaakḷok. Jet raar etetal laḷḷok ak kar iuwen ilo moped ko. Jet raar itakḷok ilo *tuk, tuks* waan ektak ko reddik bwili jān juon wōtbai. Elōṅ iaan kōrā ro raar ekkōṅan nuknuk ko ak lūkko ko, āinwōt kar Mara. Im jet raar ekkōṅak *sampot ko*, lūkko aitoktok aiboojoj ko kar kōmṅman jān eed ko rekōḷarḷar.

Mara, Mak, im Yiay raar jijet ilo jikin jar eo ippān kōrā ro jet. Kweilōk eo ilo mool eaar kōmṅman juon wiik emootḷok ilo Salt Lake City, Utah, USA. Bōtaab kiiō armej eo ro ilo Cambodia raar maroṅ alooje kaidwōḷḷok eo imejatoto ilo kajin Khmer. Mara eaar kōnono jimor kajin English im Khmar ilo mṅweo, im liin eaar barāinwōt ekkatak kajin French ilo jikuul. Bōtaab elōṅ armej in Cambodia ro rej kōnono wōt kajin Khmar.

Rikōnono eo kein kajuon eaar jab ba jabdewōt bwebwenato ko kōn bainieer ro. Bōtaab innām rikōnono

kein karuo eaar kwaḷok juon bwebwenato kōn etetal lōṅḷok ilo iaḷ eo eju im bwidejde ilo iaḷ eo an nān mṅweo jān jikuul. Kar nān etan “iaḷ an ḷaddik ro,” im jet iien liin ekōn wūtuk juuj ko an im etetal jintōb. Eaar kōṅaan kōmṅman men ko reppen bwe en maroṅ āinwōt juon bainieer! Mara eaar ettōn ke eaar ḷōmṅak kōn aolep wāween ko *liin* eaar juon bainieer.

Rikōnono eo āliktata eaar rikanaan eo. Eaar jutak kankan. Mara eaar kanooj in roṅjake. “Ij kajjitōk ippāmi nān riiti Bok in Mormon eo ikōtaan kiiō im jemḷok in iiō in,” eaar ba. “Laṅ ko renaaj peḷḷok nān kom. Irooj enaaj kōjeraamṅman kom.”

Mara eaar jeḷā eban kar pidodo nān riiti aolepān Bok in Mormon. Liin eaar lale kōrā ro jet ipeḷaakin. Aoleper kar kāalet nān ḷoor Jisōs Kraist. Aoleper kar itok jiten in nān roṅjake rikanaan eo. Liin enaaj kar ḷoor rikanaan eo, ejja āinwōt kar er. Liin enaaj erom juon bainieer! ●

Rijeje eo ej jokwe ilo Texas, USA.

Ilo Oktoba 2018 kweilōk eo eḷap, Bureejtōn Russell M. Nelson eaar barāinwōt kōjeḷḷā bwe juon tampeḷ enaaj ekkar ilo Cambodia!